



燕魏公文集卷四十七

表

普寧郡王謝

哲宗皇帝加恩表

謝皇太后表

謝皇太妃表

祁國公謝

哲宗皇帝加恩表

謝皇太后表

謝皇太妃表

大寧郡王冬節賀

哲宗皇帝表

卷四十七

一



諸公之湖州陸
心源捐送國子監
之書置城南學

賀太皇太后表

賀皇太后表

賀皇太妃牋

咸寧郡王冬節賀 哲宗皇帝表

賀太皇太后表

賀皇太后表

賀皇太妃牋

普寧郡王冬節賀 哲宗皇帝表

賀太皇太后表

賀皇太后表

賀皇太妃牋

祁國公冬節賀 哲宗皇帝表

賀太皇太后表

賀皇太后表

賀皇太妃牋

大寧郡王年節賀 哲宗皇帝表

賀太皇太后表

賀皇太后表

賀皇太妃牋

咸寧郡王年節賀 哲宗皇帝表

賀太皇太后表

賀皇太后表

賀皇太妃牋

普寧郡王年節賀 哲宗皇帝表

賀太皇太后表

賀皇太后表

賀皇太妃牋

祁國公年節賀 哲宗皇帝表

賀太皇太后表

賀皇太后表

賀皇太妃牋

普寧郡王謝 哲宗皇帝皇帝表

伏以禮行太室普享帝親之尊命降外朝大封文武
之列碩惟稚弱均荷寵先拜貺踰涯以榮為悞中謝
竊以祭事者有國之大事得其道則神靈歆爵祿者
勵世之至權當其功則士民勸屬遼陽館之藏事爰

逮端門之布常天表之應以善祥王言之出為大號
凡百在位皆從享裡自匪有勞敢冒優渥伏念臣生
非殊稟村謝夙成幸分慶于仙源早疏榮于節制假
王封而述職曾未造朝望齊輅之親祠莫陪奉裸祇
聽告庭之訓首膺加地之文賁錫過優固辭莫獲恭
承典冊如蹈冰淵此蓋伏遇 皇帝陛下懷欽翼以
事天克寬仁而濟物爰推惠澤廣布神休宗室近親
獨愧誤恩之厚居家樂善願遵諄誨之言仰答鴻慈
不渝斯志

謝 皇太后表

伏以修講上儀推行惠術不間弱齡之陋亟蒙大澤
之均辭寵莫違拜嘉增惕中謝竊以祭有惠下之義
欲貴賤之悉周爵有等功之名願重輕而必當矧合
宮之大報紆清蹕之親行自王公洎于庶官有來而
相祀雖宗室之需一命亦莫不在庭茲蒙渙汗之加
是謂承神之貺如臣以至親受爵以在傳曠官荷鞠
育於深宮獲奉承於慈誨方群后肆覲既虧輯瑞之
儀洎四海駿奔亦阻奉璋之禮而乃上同將相並進

土田雖朝廷尚親許其尸祿而幼冲加命徒用厚顏
此蓋伏遇 皇太后殿下盛德在躬至仁及物憂憐
諸子皆均壹於仁慈推贊鴻恩欲溥施於上下姑慚
菲質莫稱褒華但勤篤于進修莫不辜於誨育

謝 皇太妃牋

皇太妃宮閣淑哲迪躬慈祥成德養殫四海方昭聖
孝之隆朝事兩宮益厚教風之首愛均稚弱恩錫光
榮敢忘志意之修上副獎提之訓

祁國公謝哲宗皇帝加恩表

伏以講三歲之親祠導迎景貺眷五宗之近屬均錫
寵釐惟是童蒙何勝寵渥中謝竊以宗祀而配上帝
所以昭文考之功大賚而富善人所以示周家之訓
沆崇盛典茲謂曠儀劍佩列乎羣賢梯航來乎萬國
既得天人之祐遂頌雨露之恩推惠甚優非矣因預
伏念臣年方在觀學未知方但循說礪之勤阻奉圭
璋之助真封廣賦荷加錫于原田需贖再辭終難回
于渙汗此蓋伏遇 皇帝陛下德侔健順恩被遐遐
祭則受福於神靈仁而敦睦于宗族勲賢並建固慚

屏翰之良寵祿已盈更荷雲天之澤云何報稱乃副
敦褒惟遵保傳之義仰答君親之賜

謝 皇太后表

伏以祭澤疏恩字號肆覃於海宇國藩增賦徽章不
間於雜蒙拜貺殊優議年豈稱中謝竊以開國之制
周人分列於五侯宴封之名唐室等差於千戶逮今
賦祿視爵加田每緣慶賜之行遂有陪敦之數雖云
並建於親戚亦將表顯於勲賢恩典可加官儀尤重
伏念臣才微質薄屬近地親粵自勝衣即叨賜命衛

昭晉穆巴同啓于廟封沛易楚詩尚未役于師訓更
被餽神之惠泛增多邑之榮匪以職坐蒙勞國寵此
蓋伏遇 皇太后殿下睿慈博愛聖度兼容親賢而
憐無能式彰母道有澤則惠及下深助政經致茲悞
恩曲加慕陋敢不勤修志意靡怠晨昏冀少長之有
成思靖共而守位

謝 皇太妃牋

皇太妃宮閤儀刑宮壺愛篤王家因大祀之熙成贊
鴻休之溥博載循愚薄之稟何預肅雍之陪例沐寵

光自慚忝冒惟勤修于四術期少稱於萬分

大寧郡王冬節賀 哲宗皇帝表

伏以周人建子以為正得天之統唐室稱觴而上壽
如日之升會聖旦之迎長協陽元之萃祉中賀伏惟
皇帝陛下繼承祖烈熙緝治功體堯舜之性仁恩漸
有截法禹湯之論略道契何言四氣均和百嘉茂向
臣聯榮帝胄託屬天倫來復屆辰共慶光亨之運童
蒙寡識敢忘善禱之心

賀 太皇太后表

伏以一陽來復爰升君子之亨至信在中首重太元
之本維時純佑允集清躬中賀伏惟 太皇太后陞
下厚德有容至仁能愛宅尊南面繼思齋之徽音協
治泰辰成保定之大業茂迓穀且擁佑丕罔臣越在
幼齡叨承愛育允茲遘吉佇二聖之重光願言揚休
祈萬年之永祿

賀 皇太后表

伏以蓂莢於子首六律以為陽運化至無當七日之
來復以天地之大德合春秋之一元中賀伏惟 皇

太后殿下子佐帝尊母儀邦教躬服澣濯德茂周南
之風情存謙虛道邁建初之治天正協吉國祉同休
臣生長九重愛均諸子竊慶履正之日輒紆獻壽之
誠

賀 皇太妃牋

伏以灰飛緹室應嶰律之陽生表正侯臺聽周圭之
景至樂時茂對同國安榮中賀伏惟 皇太妃宮閣
德蘊徽柔化存恭儉儀刑嫔婦居忘修德之勞輔佐
宮朝深念進賢之志踐迎長日永續修齡某屬預天

支親聯子行荷愛憐而均厚祝休祉以唯勤

咸寧王郡冬節賀 哲宗皇帝表

伏以日在北陸晷景至而萬物生斗行右旋天運周
而四時正允屬光華之旦導迎泰定之祥中賀伏惟
皇帝陛下睿德淵冲聖謨日就堯仁舜孝協至治於
典墳夏庠周文繼成功於禮樂丕承天序鞏固邦圖
臣幼學未通嘉辰預慶獻履祥之頌雖略於舊儀贊
鼎策之祥竚符于皇世

賀 太皇太后表

伏以六律正時黃鐘生於仲呂三微治歷卦氣起於
中孚適丁來復之辰仰贊無為之治中賀伏惟太
皇太后陛下母愛萬方君臨四表乾健坤順措國本
於治安雷動風行運神功於語嘿履茲穀旦向彼多
祥臣託質宗枝承華宮禁奉觴上壽仰陪亞歲之儀
候景延暉願續履長之慶

賀 皇太后表

伏以魯臺書物時當南至之辰漢瑤飛灰候應陽生
之旦朝儀亞歲人慶履長中賀伏惟 皇太后殿下

婦順宮朝母儀寰宇勞心曲躡藹然東觀之風求矣
審官志在周南之化嘉辰集祉盛德成宜臣幼未有
知恩叨加命內切報親之念虔傾祝算之誠

賀 皇太妃牋

伏以合璧連珠驗初躔于天部撞鐘擊磬動和氣于
人聲變古以還茲辰為重中賀伏惟 皇太妃宮閣
位尊啟母慶襲堯門膺萬乘之承顏允隆孝治致九
州之奉養克協尊親方庶物之含生宜萬靈之來相
其聯榮子屬服寵封內深荷德之誠敢效祝年之請

晉寧郡王冬節賀 哲宗皇帝表

伏以雲物備書占有年之嘉瑞鼓鐘在列謹亞歲之
盛儀群生丕冒於至和率土同傾于善禱中賀恭惟
皇帝陛下順天育物稽古守文日就月將益懋緝熙
之學陽舒陰慘不渝消長之期動靜得時福蘆來合
臣分輝棗萼託庇宸居神英效祥寔契聖人之壽祥
風應律請宣太史之書

賀 太皇太后表

伏以天施復于子冠三統以紀元日景正乎南馳四

時之協序升平盛際遐迩傾心中賀恭惟 太皇太
后陛下德應直方施俾博厚臨期端拱大凝帝載之
熙措國居安坐視天民之阜一陽來復百順攸宜臣
託蔭慈仁慈承顏左右物承歲美違時運之惟新地
久天地長祝睿黜之共永

賀 皇太后表

伏以清臺課歷考星度於珠躔緹室飛葭候陽萌於
玉璫籙禧所屆善祝攸同中賀恭惟 皇太后殿下
柔順積中憂勤宅志內修陰教不忘警戒之誠上正

母儀思繼齋莊之德書雲納祉視履加祥臣夙荷親
憐方嫺簡諒幸遠踐長之慶願增有永之年

賀 皇太妃牋

伏以荔出芸生兆新元之化育日中表正迎爰景之
舒長國有盛儀時為令節中賀恭唯 皇太妃宮閣
躬循國史德茂芝蘭位號愈尊居念滿盈之戒綺紈
弗御志存節儉之風方物產之孳萌宜福基之隆厚
某幸聯子育託愛親慈敢因稱慶之辰更祝維新之
祉

邠國公冬節賀 哲宗皇帝表

伏以堯庭觀象南面視昴星之中漢歷建正太初當
甲子之朔一元肇始四海蒙休中賀恭惟 皇帝陛
下清明在躬中正履位進德修業志常念于及時誠
意正心化以推于治國彝倫攸叙萬壽無疆臣席慶
本支叨榮爵土願言遐福等岡陵山阜之崇竊聽廣
歌贊元首股肱之喜

賀 太皇太后表

伏以天道日南周謹占氛之備君人道長漢隆賀至

之儀声教所同遐迩無外中賀恭惟 太皇太后陛下誠明盡性脣知有臨淵默九重坐格無為之化梯航萬國咸歸至治之朝陰陽調和天地輔相臣叨居親息獲侍慈闈撞黃鐘之宮莫遠八能之士猷瑤池之醴願延萬壽之期

賀 皇太后表

伏以緹室飛灰驗元陽之應律觀臺書物占黃祿之為祥海宇均和宮闈同慶中賀恭惟 皇太后殿下徽柔迪德恭順存誠形聞內之教風躬先節儉享天之至養居極尊崇元和肇新哉穀是荷臣承華帝系託質皇幃願乘來復之亨益介無疆之祉

賀 皇太妃牋

伏以日晷極南辨五雲之瑞應斗繩維北兆萬物之豐盈降福孔多由中及外中賀恭惟 皇太妃宮闈處躬淑慎履德柔謙慈孝兩全母道隆於萬乘寵榮兼至婦儀著於兩宮肇履陽元茂膺祉福某質惟蒙稚躬託愛憐于傾善祝之誠願介延洪之祚

大寧郡王年節賀 哲宗皇帝表

伏以春朝上日精歲首時法駕臨朝受四海之圖籍
大庭肆會設九賓之白臚中賀伏惟 皇帝陛下受
命昊穹儲神昭曠為政以德躰宸極之居中守位日
仁順陽和之布令歛時純嘏允集清躬臣越在稚齡
叨塵名數三階有籍莫陪駕鸞之行萬壽無疆敢效
岡陵之祝

賀 太皇太后表

伏以行夏之時斗漸建寅之位立春之日帝臨乘震
之司若聖御天以人為統中賀伏惟 太皇太后陛

下至仁溥博厚德直方獨觀萬化之原體乾之行健
廣開衆正之路協泰之彙征肇陽履三履丕膺萬壽
臣越繇童孺寵拜官封方元翔之受朝阻陪上列望
宸闈而獻祝但罄精衷

賀 皇太后表

伏以律中太簇授時允協於人正歲在敦將居位適
符于木德慶蔽元翔禮備宸庭中賀伏惟 皇太后
殿下坤德靜身母儀慈愛自家刑國廣治世之教風
求美審官佐東朝之德化春陽納祉邦祚延休臣年

始佩觿禁叨胙土望九儀之列未遂昕趨奉萬年之
觴徒傾善頌

賀 皇太妃牋

伏以履端舉正頒歷象以授時開歲發春布陽和之
育物禮標上日朝舉多儀中賀伏惟 皇太妃宮闈
柔順積中仁恩逮下奉兩宮之佐餽克謹婦儀膺萬
乘之承顏益隆母道壽祺肇啟天祚五延某稚齒無
知宸居託愛早受封於苑土尚阻朝趨將獻壽於椒
花徒深懇至

咸寧郡王年節賀 哲宗皇帝表

伏以履端于始肇開獻歲之祥維春之祺增茂自天
之貺紀為令節式舉多儀中賀恭惟 皇帝陛下適
駿有聲孝思惟則對時育物動植咸遂於生成躰仁
長人遐迩實均于富庶順乘穀旦翕受叢禧臣力僅
勝衣心勤獻祝慶從日益朔復朔以無窮德與時升
新又新而彌著

賀 太皇太后表

伏以大鈞播物幹一氣以會于元治歷明時繫萬事

而正其始新陽溥洽介福維多中賀恭惟 太皇太后陛下其仁如天以儉率下廣鴻休于堯緒數法惟時佑駿德于湯孫卅年采永肇履三微之始布宣四氣之和臣屬忝宗親齒猶稚弱稱觴廣殿阻陪臚白之儀壽祝南山更續岡陵之福

賀 皇太后表

伏以椒花獻頌前占繡衍之祥柏葉稱觴共祝延長之慶歡心交集協氣時乘中賀恭惟 皇太后殿下翼夏贊商超任邈妣恩由義制戚里無過盛之權孝

與慈兼帝躬此保佑之德春陽茲始天祉維新臣藐在幼齡仰依鴻訓內切逢辰之幸敢傾獻壽之誠

賀 皇太妃牋

伏以玩占于易爻當乾卦之九三推律于書氣應林鐘之益一福祥所介禁植攸先中賀恭惟 皇太妃宮閤德協靜專心循恭儉宮庭風偃化蓋自於躬行帝德日躋功實均于母愛履端茲始戩穀是膺某方在稚齡早依慈廕仰祝綿長之慶冀酌覆育之恩

晉寧郡王年節賀 哲宗皇帝表

伏以計羣吏之功能若稽于戴禮受四海之圖籍嗣
講于漢儀神人協和福祚曼衍中賀恭惟 皇帝陛
下智勇天錫輝光日新誠致中和民洽好生之德道
先敦朴世陶廷善之風品物同榮慶釐益集臣忝聯
棟花託庇宗藩敢殫傾日之誠仰祝後天之算

賀 太皇太后表

伏以春秋謹始之義正始于王大物生易之原帝出
乎震三陽交泰萬壽攸同中賀恭惟 太皇太后陛
下稟濬哲之姿躬儉慈之實擁佑元聖馴致太平之

功奄宅多方已臻富庶之教對時元吉納祉無疆臣
繫慶宗支叨榮屏翰荷皇慈之鞠育祈天祚之延洪

賀 皇太后表

伏以呂令布和逮兆民而施惠漢京講禮來萬國之
貢珍允屬熙辰翕臻純嘏中賀伏惟 皇太后殿下
道光聖治性迪溫恭儂然象服之儀禮由德訓彼女
功之事功以時修順履端元茂迎釐祚臣生蒙愛育
幼被寵榮願傾葵霍之心冀續岡陵之壽

賀 皇太妃牋

伏以獻椒花之頌式重于三正陳白獸之尊方成于
九醞著為令叙允格遐休中賀恭惟皇太妃宮閣
履德徽柔秉心淑慎秉先九御倡陰教以踐修上應
四星煥紫垣之明潤履新之慶介祉惟繁某年在稚
蒙恩承鞠育仰祝綿長之美倍傾息至之誠

祈國公年節賀哲宗皇帝表

伏以奉元養物肇更正歲之端執規司春首運東神
之化對時欽若介福紛然中賀恭惟皇帝陛下承
丕顯之謨受穆清之命道格于上下率華裔以同風
功軼于古今與皇王而共貫順履三陽之始茂迎六
氣之和臣識昧知心才勤祝聖輝光其德與歲律以
俱新億萬斯年配乾行而弥久

賀太皇太后表

伏以帝乘震伍開春序之元朝斗建寅初首人正之
朔旦歡盈朝野野慶集宸闈中賀恭惟太皇太后
陛下躬淑聖之資宅休明之牀運乾坤而御世四海
來同建氣物以乘時五豳咸備坐視璿璣之運順迎
玉燭之和臣預列宗支方居童稚式歌且舞願祝聖

之心俾壽而臧永對自天之貺

賀 皇太后表

伏以天時潛運日當一氣之元人統更新禮重四時
之首順承令序交舉歡儀中賀恭惟 皇太后殿下
德威覩天功深應地闕睢化下增隆周道之光長樂
居尊崇備漢儀之奉維時初吉受祉滋多臣日侍寢
門親承聖訓茂對三微之始仰祈萬壽之延

賀 皇太妃牋

伏以人統得四時之正歷建夏寅春朝受萬國之珍

禮崇漢世遯稽舊典備著慶儀中賀恭惟 皇太妃
宮闈德耀中州功光彤管儀刑自內居帝嚳四妃之
尊均壹為心得文王十子之慶荷天之寵受祉爰多
其榮預宗播日親宮闈祝春祺而參會與天序以俱
親

蘇魏公文集卷四十七

蘇魏公文集卷四十八

啟

謝館閣校勘

潁州到任謝二府

謝知府客學

謝運使學士

謝運使郎中

謝集賢相公

回謝集賢相公

卷四十八

賀叅政侍郎

賀樞密諫議

賀判府太尉相公

回提刑度支

賀安撫侍讀侍郎

回知府觀察

賀知府龍圖

回祥符知縣郎中

回同年著作

賀留守相公辭太原再領西京

賀知府龍圖諫議

謝二府

轉官謝二府

轉官謝監司

提刑轉運先狀

賀運使度支

賀知府侍郎

賀淮南運使

卷四十八

回侍讀

回壽州知府到任

回知府內翰

回伴讀郎中

回廬州知府郎中

回鈐轄

回郢州知府學士

上交代職方

二府賀冬

外任兩省賀冬

鄰郡賀冬

二府賀正

外任兩省賀正

謝館閣校勘

右某蒙恩充前件職者覆寔胡門之禁觀菴非長寔
名渠閣之聯餐榮為甚異思所被省矣堪竊惟在昔
承平之隆崇右儒雅之逸立建冊府儲內秘文時登
翹乂之流以分繡於類例又擇該通之士以刊正於

糾訛至于讎對之員漸聞增置之日取人之路其任
攸均逮祥符好文廣鴻都之書副迹開元故事有鹿
正之官名中經既充列職隨衆雖弗為通籍之貴方
雜處寫官之間然而啓發篇章竄定朱墨並資殫洽
之蘊是正文字之殊如匪值能云稱遜伏念某才性
弗敏識致本迂遠辰亨嘉就士聞燕初聞家訓戒餘
力以學文復誦師言務及時而進德旅從鄉試僅策
詞科得調三銓從事四府卒因累日之課稍進列卿
之丞刀筆為勞久奔馳于外吏纒緗所志益愧負于

初心希光英俊之游荷階榮進之望向者禁林為之
列牘朝廷恤于孤臣料以隨牒之卑收預試言之名
愈慚陋學入賦嚴闡群公尚蓋其蕪詞假之優署上
宰不遺于介善賜以甄成冒詔綽之平除預書筵之
濫綴磨妍編削頓離簿領之煩躡纓整襟日接闈壺
之彥省循其幸遇會有繇此蓋伏遇某官協贊邦猷
主平時論樂烝髦於皇家思致治于賁文人挾寸長
靡聞于弃用士名一菽成成見于獎收是令眇微亦
玷掄揀眷所蒙之已厚期欲報以難輕固當負袞宿

官潛精志業考會字書之語叅訂於篇前詳求略錄之餘更資於新簿異成鉛槧之効弗累權衡之私

潁州到任謝二府

右某奉勅差知潁州軍州事已於今日赴上訖者久玷書林驟紆州組去間就劄既惧且慚伏念某性本顛倒學無師法常持是古之論未免祗惧進之陋適時之才自甘散滯荷承平之樂育獲儒館以優容寢歷歲躔亦更事局間輒謀于私便因請補于外官校中五經之書僅成編目假二千石之守俄被逕俞

自國而南潁為善郡長人之寄時號優恩昔之偃息以藩莫非朝廷之舊望豈伊孤進遂此一麾斯蓋伏遇某官至誠與賢平施稱物贊化鈞之獨運甄人品之衆流特矜羈拙之蹤見處便安之地誠為厚幸庸詎勝言方今民力尚難邦刑未措履煩溫詔慎擇守臣自審庸愚方蒙任使敢不度時所急思職當行察編齊疾苦之源副君相憂勞之意少收課最上報生成

謝知府密學

右某近者得補汝陰待期江介望封圻而弗速趨賓
闈以無由矧素荷於知憐但傾懷于夙晤音騰闕禮
簡曠成愆恭承肇屆春陽鎮綏民俗舍棠無訟考履
多祥唯簪橐之巨賢本股肱之同躰公權台輔之望
衆議翕然弱翁治理之聲上知久矣諒俞音之匪晚
佇歸節之傳趨某幸以世契之隆姑託陶成之賜騰
裝有日去德架賒願勤遵養之方下副夙宵之禱

謝運使學士

右某去歲使旆過都嘗投謁贊建歸去國輕遠恩門

每懷獎與之私滋劇系馳之素此者叨從郡補獲隸
使封揆材質之非長加史文之弗徂惟民師帥之任
悞無以稱于遂掄賴部刺史之賢固足以振其愚短
竊茲循良省用欣榮伏以某官性與道俱才為世出
奧學臻于聖域高論懍于朝端步武中臺久躋清要
之地案條近甸暫倚詳明之才朝廷才重于謀謨朝
夕即登于要近茲乎經濟之蘊惠被蒼黔之民時乃
舊游永依大庇屬才蒞事尚阻承顏願良食以自珍
副遙心之所祝

謝運使郎中

右某昨被朝俞叨從郡補屬布條之云始思裁贖之
未遑不畜信介之來俄拜篋封之屬辱味言茲溫懷
愧則深緬承副計之間茂擁善祥之助恭以某官敏
才經務冲識鄰幾声震仕塗華登郎選早膺朝委已
樹政于浙藩俄簡上心从贊謀于澤節坐叅調變行
集富饒酌膚使之勞入被近班之寵屬拘官守悵阻
風期唯倍保于清襟冀遠符于詹系

謝集賢相公

右某伏念郡組遐縈久隔門庭之侍台躔委照忽紆
簡牘之頒仰荷眷憐居深感畏恭承保綏吉履增集
天倪伏以某官鼎棟元臣著龜白德儀泰階于三象
歌嶽石于四方筌宰同寅已載股肱之詠乾坤交泰
坐凝社稷之功方屬炎歊未遑謁贊伏望上副毗倚
精調寢興

回謝集賢相公

右某伏念仰熒煌之座每切于依投拜款密之函曲
承于眷記恭審燮調元化宝練生經神相是膺天和

並集伏以某官道符典則行著儀刑明識以通古今
重德以鎮風俗登翼惟新之政弼成可久之規四海
之瞻久蒙于利澤百年之化方見于治平候屬商秋
地遙賓閣伏惟上為宗祿精調履興

賀叅政侍郎

右某伏審某官即拜言綸叅持政柄被恩惟日聞命
胥謹伏以某官鍾粹太和膺期盛且奮才猷而入用
契筌宰以相求立朝盡諒直之誠賦政有將明之效
繁機密命昔叅賴于贊襄冢宰近司今薦移於寵任

已積彌綸之效允諧中外之心佇進上階永毗至治
某素慚惜學最荷深知推轂使前願重恩之未答守
符于外修慶謁以無由

賀樞政密諫議

右某伏審某官寵膺制綽進貳天樞凡被眷私舉同
忭躍伏以某官五辰鍾秀凡德兼謨繇大對而結主
知歷旬歲而更器任常楊掌誥為一代之詞宗趙張
樸煩居三輔之治最入陪帷幄叅標席坐誕揚經世
之才佇正秉鈞之拜某荷知惟舊聞命胥懽限州組

之方拘企賓階之莫及仰依陶冶徒結系馳

賀荆府太尉相公

右某伏蒙某官拜恩典冊加數節旌坐移上相之庭
就委三城之鎮翰垣增重衆均休伏以某官道德元
龜朝廷隆棟入則順事于百揆出則宣力于四方勲
業冠時忠規簡上向自宰樞之均逸暫從輔屏以觀
風謝有善君固周邦之相慶虞啓州牧將柔遠以任
能繼煩同德之美久殿折衝之地藩軍成績已遂請
於魚符當展待賢佇再調于鵠鼎某早翹館久去恩

折聆前蠹之還尚嘆行郵之遠限拘州印阻詣賓闕

回提刑度支

右某叨隸使封阻親燕晤敢謂謙光之眷特賚函教
之儀啣賜弥深增慚迨甚竊審詳庶之暇益全頤養
之方伏惟某官國棟宏姿室珩粹稟負首公之大節
宣應務之劇才暫猷刑章允副寬平之望已聞台旨
佇陞要近之聯隆暑向籛高閣尚邈異精葆衛下慰
傾馳

賀安撫侍讀侍郎

右某伏蒙某官光膺中詔出鎮巨藩凡在提封舉深
慶忭恭以某官歡符鍾秀寶緯生才文窮述作之原
識周治亂之軀奮揚世美顯服禁塗授將鉞以臨邊
繼收豐績侍殿帷而摘句屢告嘉謨息辭京劇之煩
請殿封圻之近憩旌伊始坐閣攸安矧望在于席堂
豈久留于方面佇聆迅召入副疇咨某被頌有年邈
風尤切幸隸名于使管阻執贄于賓闕心所向翹言
非殫究

回知府觀察

右某伏念向預朝趨每瞻顏表洎承郡補益遠門隔
寢劇邈風之誠罕通執訊之間敢云貴要願此冗閒
紆翰勤以為儀篤情文而示好言因喜溢固多虛獎
之談志以方同乃勞盡謙之意祇循惠好豈廢中藏
伏以某官生質粹淳才資敏給席公侯之餘慶簡睿
聖之深知譽洽士倫恩隆戚里廉車命秩誠德位之
相先使竹臨民矧政刑之允濟已從詳試即佇褒遷
限封壤之正遙接燕言而未遂願順生經之固少符
善祝之勤系慕所深究宣匪逮

賀知府龍齋

右某伏審光膺朝檢出布藩條凡荷眷知舉深忭躍
恭惟某官學窮精祿德富誠明繇迥閣之敷經踐禁
蘊之持橐歷更典領益著謀猷間得請於黼帷遂均
休于符守初聆頓節已傳來暮之謠矧在鄰疆竊幸
餘輝之庇方修贊禮遽損占書載循喜溢之言第劇
欽銜之素封郵雖逆音肯坐遙佇聞白節之頌前慶
近樞之拜炎威如熾鈴閣方休冀眠食以自將副夙
宵之所禱

回祥符知縣郎中

右某伏念符守拘縻標願阻邈徒切遡風之想寢稽
染翰之儀遠貺華緘曲敦重礼眷此晚生之無似矣
堪舊德之相先啣愧自中刻銘罔替伏惟某官士林
孤秀朝路通才試政事以甚詳藹聲猷而弥速郎省
時之清望久尔踐揚赤縣國之要官重茲委用已著
循良之效得膺顯近之資姑冀護調少副勳企

回同年著作

右某伏審同年著作被諸府之荐能副三銓之覆實

拜恩槐階進秩蘭臺素推應務之才茲實漸磐之始
夙叨朋好竊忤榮陞官次坐縻展慶儀而未逮謙撓
速篤紆華幅以為先展味懿辭欽承重禮但感銜
而不足遂藏去以無忘時方用才日遲登俊永言傾
向匪假固設

賀田守相公辭太原再領西京

右某伏審某官先被贊書進崇命數推至誠而確讓
止褒冊之既行特帖後恩即移舊府激周行之次歡
騰近甸之間伏以某官奧學際天元功冠世熙帝之

之載則書叙九德之歌知幾其神則易稱萬夫之望
自兩登于魁柄皆弗處于盛名委政廟堂出藩畿甸
邦國若丕昔賴山甫之將明輔相重輕今系晉公之
出入昨以虞州咨牧漢冊圖勲坐移丞相之庭往殿
太原之壤端揆崇秩所以尊師長之賢尹正重名所
以增方鎮之軀矧松榆之故里佇旌蠹之未歸而相
公內樂安閒弗崇寵利亟露章而懇叙務辭爵以弥
堅宸扆為之動懷朝制因而收汗止拜常山之節還
臨洛邑之都俞命傳聞群倫懽嘆竊謂登宰相上方

有舊人共政之求寓縣具瞻下益思大鈞播物之惠
雖暫諧于冲志諒即被于疇咨三冠鼎槐抑有本朝
之故事再開炉冶將副率土之傾心某早荷甄收方
塵郡寄側聽保釐之始忻依臨照之餘恪守印符莫
獲修于慶謁傾馳懇素姑永託于生成

賀知府龍圖諫議

右某伏審茂膺恩渥易守藩宣伏惟慶慰恭以某官
清德藹躬懿文邁古逢今光華之旦徇翔清切之塗
輟內閣之論思均侷人之委政寄成惠洽民咏朝咨

再勞撫俗之仁來綏近甸佇對馳輶之旨亟進通班
繼美世之令猷果宗工之能事某忝分州節仰託使
封恭聆坐閣之初未遂趨隅之謁傾依威德曷諭丹
誠

謝二府

右某向以忝息為郡便日布條循公式以騰書邈台
庭而露息地有常尊之隔禮無宜答之文豈謂某官
牧德至虛降小心物乘政司之多暇紆記室之報章
眷舊甚勤特屈廟堂之範披文未既頓生州郡之輝

惠賜不貲感銘無既恭審內贊邦家之務助宣天地之和六氣茂康百祥叢集斯文未墜天方降任于國人至治在辰上且仰承于良輔敢冀勉遵時令順護生經益副萬樞之毗更增九鼎之固某拘限使竹坐隔翹材竄深豫附之情永賴陶成之賜

轉官謝二府

右某此者伏蒙制恩特授前官者攸司上課成命下頒進位甚優者躬斯愧伏念某小才曲執孤進晚生叙歷朝闕寢塵儒館懷鉛雖久書未畢于汗青請郡

既行詔遂分于半竹凡更內外頗涉歲年屬比大之甫期之寸勞之報最公朝平施著令應遷擢聯三署之行仍躡左曹之要異恩所被非服是慚此蓋伏遇某官陶冶百工權衡衆職使士大夫各稱其職無賢不肖皆用其長心推至公道弗異遠春是韻愚之質慕蒙樂育之施私增秩亩州荷深仁而已至悉心為政惟來效之是圖將論報于生成敢悼勞于夙夜

轉官謝監司

右某此者叨膺制綽叙進郎曹寵渥所加庸虛靡祿

伏念某天資弗厚學術固疎仕歷朝闈賤塵偏館內
掌故事于時死益于毫分出領近麾臨政未聞于善
最屬攸司之大比緣滿歲以應遷增秩甚優冒息為
愧此蓋伏過某官澄清使部振肅治綱群吏否減賴
繁廉而悉上公朝無涉俟贊啓而後行非才所蒙其
始繇此但益勤于吏職期不累于知己

提刑轉運先狀

右某伏審某官差日登車便時行郡冒潦塗而匪易
擁茨福以無虧露檄諸城已稟行臺之範屬隸近次

佇修列郡之儀瞻望風徽竊深悚抃

賀運使度支

右某伏審某官內膺制綽出領使權仗惟慶慰恭以
某官文懿學純德方氣直夙擅儒林之譽早登郎署
之榮司會佐籌朝用富強之畫近畿繁節上咨良直
之謨行觀風績之騰聞入副宸庭之顯用某適叨守
郡獲事提封第傾賀厦之誠尚阻承顏之願其于忻
激曷諭端倪

賀知府侍郎

卷四十八

十五

右某伏審光膺中詔榮鎮巨藩伏惟慶慰恭以某官
秀稟天元識探道奧早躋榮於顯路自結知于上衷
屢分圭竹之咨荐著循良之效撫綏方面坐期風教
之凝進拜樞衡式副嚴瞻之咏春陽伊始使傳方勤
願益保於生經庶遠符于私禱

賀淮南運使

右某伏審顯膺詔檢榮總使權伏唯慶慰恭以某官
秀稟天元識探道奧自結宸流之眷爰陞郎署之年
日著聲光屢歷藩宣之委朝資經度總司兵食之饒

利毫坐析於江淮風節偉驚於郡邑竚迴褒名別踐
顯嚴豈惟協輿議之歸故可展大賢之效某比拘班
教尚阻承顏與保順於生經庶遠符于私禱

回侍讀

右某言念奔馳吏職隔濶俊游向義雖深親賢未遂
豈云明哲之見碩貺以緘書而於情德感禮恭有勞
謙終吉之美道同志合推相下不厭之心自惟薄才
徒服高誼恭承紬次於儀典方勤啟發于篇章累朝
所行一旦大備自非精思之敏曷究淵源之來勉冀

護調將副咨用區々所禱喋々靡宣

回壽州知府到任

右某近審某官出持使節已署郡條頒仁政以便民
聽風謠之載道矧素推于才譽已詳試於良能諒非
衣成之期即被塗書之卷別躋顯用乃協輿言某勿
假使麾幸依鄰壤方切潤河之廕遽承占牘之貽欽
佩多儀但深于刻著編懷懿範深切于系馳姑願珍
調少副勤祝

回知府內翰

右某伏以天府浩煩之地任俊時權復門演潤之司
賤崇內著側聽息俞之始實增抃蹈之誠恭惟知府
內翰與學輔時懿文華國魁甲多士羽儀威朝暢風
教于近藩備咨詢于法從龍荒結好坐原隰之光輝
熬禁代言增訓誥之深厚暫勞治剝即慶登庸敢憶
眷慈特貽手問荷謙撫之有素激悚抃以逾深願勤
導養之方少副傾祈之素

回伴讀郎中

右某伏審趨名節之嚴已修陞見視宸闈之學爰泣

官儀裁慶間以未皇沐勞緘之猥及載維謙厚增切
悚銘恭以某官直道被躬純誠許國謹信自任祕溫
樹而不言清廉所高潛郎曹而為樂國藩初建聖慮
攸先式碩老成之風首膺進讀之任春陽在候燕晤
未涯倍異珍頗用符精禱

回廬州知府郎中

右某近者使艤過郡獲修贊見之儀征旆首塗旌愴
風期之遠辱華牒之猥及荷厚意之弥深竊承涓日
唯良布條伊始幸接瓜鄰之末宴依河潤之餘恭唯

某官植操端方懷誠審諤出被藩朝之委入分財計
之司聿眷者明均休近輔矧淮淝之奧壤控南北之
通達英節之臨寔均于方任甘棠之愛佇見于咏謨
春律載陽晤言正阻倍祈保衛式副企瞻

回鈴轄

右某向叨共事幸親設燕之娛俄屬改轅遽悵聲容
之別方深企德猥辱占書竊承衝涉之勞無爽和倪
之妙恭以某官清規格物淑聞藹時早緣睿眷之隆
荐領兵防之寄謀維可倚講練尤精諒匪俟于終更

即別膺于峻台披風正遠珍食是祈欽祝之誠旦夕
以冀

回郢州知府學士

右某向者某官輟蓬山之直紆富水之章聆涓使辰
即署新政頌春庶俗已騰悅悌之謠講好它邦遠逮
緘書之札自惟無狀素辱與游相望隔于封疆馳誠
劇於歲月恭承惠好增激感悚竊以某官修性淳明
執道深固學術足以表于士類政事足以達于民宜
入觀石室之書已大正于訛失出假竹符之守蓋暫

試于才謀異時以縻之求當首追鋒之在朋从之分
念佇寔勤惟善御於冲和副祝祈于旦暮

上交代職方

右某伏審光膺綸檢就領州章伏惟慶慰恭以某官
識量淵淳風猷沉正屢更事任益著聲光荐仰副于
朝咨來暫分于州寄自慙前批得忝交符佇臨滿戌
之期併叙與游之旧初爰在候珍食是祈行趨名節
之嚴別踐顯塗之峻

二府賀冬

卷四十八

九

右某伏以日御迎長斗繩維北地雷衍畫慶蔽陽復
之亨鐘鼓布庭儀盛歲元之亞恭惟某官道躋民極
德配黃鐘宣曜三階之符泰和六典之職信功順事
有若虞之臯夔應受守文則為我之 適履嘉辰
之會方毗至治之期益介壽祺永扶運祚某限持州
節阻奉慶觴僭館以馳誠託書筠而寡喻

外任兩省賀冬

右某伏以室瑤升陽臺雲紀瑞輯朝主而食慶猷紋
履以迎長伏惟某官性蘊端方德猷純茂已試大儒

之効自結明主之知藩宣屏翰之勞四方稱誦輔弼
凝承之任匪日登咨乘吉旦之嘉亨擁祥經而腕厚
某限紫州組坐隔賓軒祝望瞻依倍百等常

鄰郡賀冬

伏以天正開統日晷迎長挺柔荔以應時候飛葭而
布瑤伏惟某官躬富才美治稱循良方開吉祿之榮
益享純禧之茂各縻官次阻叙慶儀但勤致祝之誠
莫究傾思之意其於祝向曷既声言

二府賀正

卷四十八

干

右某伏以七始推元三正建朔布典常于王闕合朝
賁于春庭穀旦維新近司啟祉恭以某官天鍾全德
体蹈大方協期運之休明應階符之炳耀內總三事
朝廷以之尊榮外撫四夷方隅以之底定適屬履端
之始允膺昇壽之祥永輔熙平式光才美某守符于
外贊謁無階瞻望門墻但馳誠素

外任兩省賀正

右某伏以履端於始史氏所以正三朝以正次王春
秋所以尊五始矧會得天之數見臨交泰之期恭惟

某官直道肱和嘉猷濟衆緣飾真儒之事布宣明主
之恩近甸列藩被仁風之浹洽元正日上闕福履以
駢繁乘此春祺行婦禁路某拘官有守叙慶無階禱
向瞻依笑倍彝等

燕魏公文集卷四十八

燕魏公文集卷四十九

啟

謝知制誥

亳州到任謝二府

亳州到任謝二省

賀昭文僕射相公

回交代資政侍郎

回知府經略密學

回知府內翰

卷四十九

回知府內翰

回南京樞府運使中允

回南京通判郎中

回防禦太傅

回瀛州安撫待制

杭州到任謝二府

回越州知府大資

回致政太傅侍中

上西川知府端明侍郎

回河東都運諫議

上大孝昭文相公

回登州知郡司封

回宿州知郡郎中

賀樞密相公

回告諭大保

知府祠部先狀

回觀察太尉

回省副

上陵使相公

回太原經畧相公

二府賀冬闕

兩省賀冬又

回賀冬

回外任賀正闕

回馮太尉賀正闕

回運使賀正闕

謝知制誥

右臣蒙恩授前件職者驟塵清禁仰服華褒才不副
時愧無容竊伏以王者審乎出令莫重訓辭儒臣職
于代言是為華遠自百篇之義缺洎七制之主興代
有裁成文之形于播告之指辭意則貴乎深厚而尔
雅語詔冊則歛其昭毅而和莊象夫揚庭言之文者
行之遠演繇成綽體之大者述之難必資起草之工
以贊黻中之命古文在且多士盈朝除書德音如常
揚者時不之言語侍从比朔臯者未足多光輝簪橐

之朕增峻陞庶之等繼登茲遜未易其人如某者才
非有以絕群孝不足以適道屬少孤之多難常苦節
以自持不辭小官蓋竊遺親之祿入望大利固無經
國之謀幸當路之為言預復門之試可進登書府涉
歷歲華職有屢遷效無薄最聞奉白趨之一節入塵
記史之二星載筆赤墀已玷以官之未著篇黃閣遷
膺宸典之優陞置桓垣典司渙令矧右曹之清秩實
先子之嘗僚深愧鯁生復仍故職坐臥敢當于旧位
翼成惧弁于後基世彰絲綸徒竊古人之美習知臺

閣誤先寒士之求此盖伏遇某官協贊聖宸主平公
論士無愚哲咸歸品目之明言有訐俞素習上聰之
聽是令疎外辱在甄成敢不刻志始終匪躬朝夕奉
遵戒禁道無替于守官罔報國忘心不忘于知已

亳州到任謝二府

右某蒙恩差知前件州已到任上訖者隳官責薄敢
辭遠守之勞易地恩優再竊近藩之寄適由便道遂
此布條叨幸居多悻惶曷已伏念某挺至愚之稟無
適用之才頃冒憲章上孤樂育一麾出守已荷曲成

之私六輔陪京遷膺內從之寵慶命始臨于位表銜
恩豈在于他門此蓋伏蒙某官推致大中之原輔成
至治之極振淹滯以廣美路靡有遐遺并痲肯以
人材俾其自效良慚情味復被甄收稔從僻陋之邦
寢獲便安之地奉循詔令當官祗念于匪躬追省愆
尤戮力尚期于晚節

亳州到任謝兩省

右某近膺朝命易守輔藩方其蒞事之初屬嬰多故
惟是奏書之緩深愧非儀姑勤企德之誠猶惕負恩

之誚伏念某早由孤宦誤擢近班不職稽違坐鑄西
省之籍主仁惻隱出假東節之麾郡壤雖遠土風甚
媿頒條暇日但思追省于愆尤去國逾年不幸重罹
于憂患旅懷多感榮任寢忘豈圖易地之優獲在陪
京之列非惟出于遠僻且復便于私營此蓋某官以
直方之道致君以忠恕之心格物外收并置使有漸
階自漸痲肯之餘未副稱揚之惠寬其罪罟既蒙觀
過之知勤于吏資敢急當官之效心之蘄嚮言豈勝

陳

賀昭文僕射相公

右某啓伏審某官筆述聖經書聞震辰言綸誕告秩
增左相之崇台鉉兼華地進東臺之長式彰儒効永
化人文恭以某官生德自天潛心于古立言垂教若
稽韜孔之猷熙載奮庸無愧卓陶之業閔孝者之師
諄歆聖人之指明間奉謨淵誦詳典籍之要獨推卓
見發明義理之歸甫終汗簡之功尽萃顯門之陋微
言之緒復續于當今大道之行可期于後世宜服寵
加之渥進居師長之尊多士是依萬邦攸慶某拘嬰
符籙阻拜門藩涵泳塵編常患迷途而擿埴叅評旧
季將期黷瀆以開明竊抃之誠喻言曷旣

回交代資政侍郎

右某啓伏承某官請麾便郡移節近圻尚稽緣鵠之
謀再遂左魚之遠願惟鄙陋夙忝從遊慙無告政之
能將幸承顏之便雖嘗奏記已愧後時豈圖公輔之
尊曲徇平怀之体遠紆教尺过有謙撓兩帝八行固
親疎而有意一日三復姑藏去以為榮伏况丹扈虛
懷明廷佇告邑止平生之交義久俟彈冠諒惟遐迩

咸思躍治却迎有日以抃尤深更祈區薄之餘益厚
將終之祀乃情企莫嚮臨帝矣言

回知府經略密李

右某啓伏審顯膺褒詔進直內樞勲望益高輿情胥
慰某官器能閎博智略淵通早推望族之華復擅文
場之秀踐揚中外歷試剝煩制閫西陲進拓金湯之
固斥疆遐服尽收冠帶之民躡躅禁密之聯蓋示疇
咨之漸方忻異敷遷枉華緘祇認眷私銘藏悃素

回知府內翰

右某伏念過違門序第傾企嚮之懷恪守郡條時闕
與居之間敢期隆碩遠辱貽書衝眷良深增慚固甚
竊惟剝剝之裕無爽頤生之和伏以某官時棟上林
聖門高第文章國之經緯德業民之表儀自奮躍于
天衢遂簡知于黼座雍容禁複潤飾玉猷不離侍从
之聯總治浩穰之地名威已振儒效益彰諒匪俟于
累朝定進陞于回輔暑躔加畏賓館尚賒伏冀精調
庸副虔禱

知府內翰

卷四十九

右某伏某某官寇膺朝制正尹都畿以文章侍从之
才治衆大剝煩之地未勞餘力已副具瞻伏惟某官
賢業絕人忠言許國入當三冊之間遂冠四方之豪
黼座虛懷待以公卿之器金坡進直演成謨訓之辭
上方以吏事而任三公時皆由遠表而登二府今煩
俊哲而為治宴賴威名而鎮時諒匪累朝遂登大任
某久游材館才假州符阻贊謁于賓閣但馳誠于天
邑

回南京推府運使中允

右某此者叨膺制命獲守留京自省庸虛有慚寄任
竊念某所憑不厚自視無寄徒用簡編之資漸階臺
閣之選未錫謫籍復叙郊禧閱前正之簡書再塵儒
職妾離宮之冕鑰繼荷恩章矧近府之會衝豈非材
之宜據碩惟多幸得在投封奉行新書敢不悉心于
庶務振奔大要方將稟誨于外臺豈謂某官屈使範
之威眷朋簪之田日圻十里俯勞臨泣之煩手札八
行先枉勤渠之問披尋辭意銘篆膺心佇趣办名之
期即修謁贊之札自餘悃款靡俟究宣

回南京通判郎中

右某言念析符南服再越于歲暮易地近疆荐叨于
恩制遠從便道遽此頒條企望藩封竊喜仁隣之援
拘縈官守無階晤語之期豈謂某官眷舊情深撫謙
志薦特遣行人之使首貽累幅之書復以榮辭茲見
相先之範藏之私褚弥敦永好之隆坐阻風徽難宣
感悃

回防禦太傅

右某啓伏審胡門覆實文躋科等之優英節超具秩
竣州防之守宗藩擢秀士論推高竒以國家系本仙
源慶流屬籍九族以睦廣帝堯文思之勛羊楚而封
威爰漢王公之制寇拜雖緣于世緒復甄必校于執
能時有卓尔特立之才上副褒然昔奔之逸恭以某
官性資明敏聞孝該通志外綺紉之華躬持韋布之
行河間好古樂與諸儒而並遊更生屬辭遂偕羣雋
而進拔猷給上方之札高中有司之程大对危言帝
每篇而稱善通侯徹爵位不次以加榮匪惟冠映于
懿親固亦輝華于多士某欽聞時吝阻遘風期官守

似拘辰慶儀而莫逮親吳垂眷枉翰尺以先貽載規
揆藻之華但切覲顏之愧無緣燕接燕用益銘銜

回河東都運諫議

右某啟伏某官憲膺詔綽進擢揀坡仍留將漕之權
且重抗封之寄素叨眷與竊忤鄙悰伏惟某官才
持清通不 早服教忠之訓久彰應務之才贊剏治
治煩風力稔聞于臺閣頌條刺群聲猷風簡于朝廷
惟唐晉之旧壤搯羗胡之衝地均輸所寄功最荐登
坐收制勝之謀就拜褒矣之典陟天子諍臣之列已

峻近班繼大門先德之榮益為盛事敢意謙光之重
不遺棄置之餘首貶封建敷祀範荷明哲久要之
契銘著不忘祝公台大用之期傾依有日乃誠虔企
臨紙莫言

回瀛州安撫待制

右某啟伏審某官被黻中之詔膺謀帥之權進班禁
閣之游杖鉞瀛閩之壤時登勇哲士有輝光伏惟某
官以奧季清文羽儀臺閣以英声茂實簡在朝廷向
自書林之校文出分漕輓之將命西淮以陸之會肅

抗風稜二史言動之司旋歸禁从方告猷于帝右復
領使于朔陲引鍛運籌存修衆職之備鑿門推轂遂
有軍師之求冠加荷索之聯益重元戎之寄為先清
世衺美德門緩帶寢兵已擅羊公之彗緇衣善戰行
歌鄭武之詩某早被春知久違英晤自听撫邊之拜
久稽奏記之儀何大雅之謙為不崇體貌碩並遊之
兄外特貶緘書豈惟荷声氣之所同抑亦增茂悅之
深慶在于欣激難悉條陳

杭州到任謝二府

右某蒙恩差知前件州已到任上訖者全吳故社寧
海雄藩異時禁臣之近公出為屏藩何意出斥疏之
遠跡遂許長臨適芥賦政之初深愧冒恩之厚伏念
某器非閎遠躬負愆尤絕覲榮塗止期祿食昨罷睢
陽之筦入趨魏闕之朝典領尚書幸與諸儒之踵武
出入臺省得階武綴之班聯會江淮之存飢煩宵旰
之遐慮咨求良牧偶擢匪才受命飲水敢自營于私
便之官便道即宣布于上息方事之蔽以榮為怛此
盖某官道佐明主德施遠方眷東南隅之民尚難粒

食糗二千石之吏俾又海邦再省孱虛矣堪責任敢
不上体朝廷之意恪奉詔條拊循家戶之人使安田
里庶幾免過仰副至公

回越州知府大資

右某啓此者叨分朝寄獲假州符惟東南之要衝當
燠災之為沴宜求宿望出布上恩願茲蹇蹟之餘素
之循良之譽誤膺咨牧來此長人受命飲冰姑夙宵
而增場之官便道頒條詔以云初伏以某官暫輟政
机出臨藩閫封疆千里幸依鄰國之光坳治一陶更

佇化工之賜敢謂搗謙之德特紆款密之書味藻思
之弥高但銘丹臆望翹材之甚迤阻倚清塵感嚮之
誠敷陳無盡

回致政太傅侍中

右某伏念假使竹于一方臨鷹江海望翹材于千里
日斷雲霄居慚走俗之勞遂闕問安之礼自惟簡急
宜取悔尤宅謂某官改量兼容台躔委照固燕居之
多暇裁尺素以見貽兩幣八行親枉鍾毫之妙片言
一字意踰魯筆之褒兼聆高蹈之間固有多祥之集

非徒感誦益用忻觀重念孱虛夙承獎拔離奇為器
曲成特出于化工連蹇違時弃置自甘于散地悵日
息之莫報嗟末路之攸拘慕赤松之遊无偕企仰祝
大椿之筭但極傾馳

上西川知府端明侍郎

右某伏念辱知素深去德滋久下邦假守碩薄領之
攸櫻上館馳誠通記函而殆闕緬惟德履時擁天和
伏以某官道系斯文名重當世立朝則遠史之載直
作鎮則方名之告猷西南一都已榮後拜之寵左右

四輔佇繼緇衣之詩尚阻趨隅倍祈良食孤羈之跡
陶冶是期

上大孝昭文相公

右某啓伏以某官以不時出之才內府朝政以大承
相之重躬執親喪伏自倚庠西 灰齋屢受聖上惟
同氣之義夙夜注怀士民思造物之仁逖遐延首諒
典冊之前降期鑪冶之再開蓋本朝故事之當行况
上公虛位而佇復將兩全于忠孝宜俯就于情文某
二紀荷知八年受賜迺留書館悵去德之踰時息假

州符尽提衡之素惠限茲遠阻未獲瞻承中心歆陳
萬一矣究

回登州知郡司封

右某啟向者某官奏南司之課庸中詔之褒進左曹
于省聯領輿藩于海商蓋切循良之選爰咨端諒之
能自承擁傳之去東居悵拊塵之坐隔怀銘自寤未
遑緘候之儀占牘不忘首辱惠存之問聆布條之伊
始惟善借之有方政務多間福基衆厚伏以某官奧
季敏識峻節孤風得古人之清通為來者之矩矱郡

邑之政沛然謠于民言臺閣之謨凜乎肅于朝著方
倚直繩之用遷膺半竹之行昔者由御史而為省郎
唐官為之清望出諫官而補郡守漢臣由而自陳矧
惟碩哲之模允切前良之美諒茲內出守聊為外資
詠中和之詩已宣于主澤遠碩問之列行奉于帝俞
榮擢顯華之塗叅為孤拙之茂遠臨敵暑坐遠清言
願遵御于氣冲冀冥符于善禱乃情依內紙筆矣殫

回宿州知郡郎中

右某啟伏審某官出分使節已布郡條頌仁政以便

民听風謠之載道矧素推于才彥已詳試于良能諒
非瓜戍之期即彼墨書之寵別濟顯用力協輿言某
素偃声華幸依鄰壤才切餘輝之燭首貽人牘之貽
仰服謙撝但深悚荷

賀樞密相公

右某伏審某官宥膺制策入冠樞庭吳哲在朝中外
交慶恭以某官謨資六德道贊九功二紀奮經綸之
謨七年當鈞治之柄致君之慮達于天淵許國之誠
貫于金石庶務由之清穆百度為之和平曩由陟屺

之哀始正居庠之禮三年之孝已著于似刑群辟之
師再符于焚卜惟新大政爰任旧人僉諧元老之尊
特重本兵之地山甫文武之憲式副東求傳說鹽梅
之和幸隆瞻望某拘縈使竹阻造賓壻仰明命之誕
揚倍常倫而歡抃

回告諭太保

右某近者伏承某官出諭帝宸之音循行侯服之遙
惟是未封獲瞻茂範雖喜接辭之便且慚為禮之疎
屬軒旆之不佞恨風規之遠隔料惟登頓無爽粹和

遭茲疾置之來首辱華牋之貺謙撓過厚感戴奚勝
矧以聖政惟新遷使以安于列壤時才被遠抗旌允
副于上心諒峻事以遠朝已酌能而被寵清秋伊始
闕館正遙冀眠食以自珍慰夙宵之所禱在于傾向
靡迨周陳

知府祠部先狀

右某伏審某官崇分漢節出鎮淮藩驅火旆以戒行
歷契封而甫迤悠途冒陟諒無爽于履祥近境將迎
佇恭投于典謁乃心所向須面殫陳

回觀察太尉

右某近審某官懇請州麾出觀藩政方布便時之治
已騰未暮之謠朝寄值才士論歸美矧屬威賢之望
累更中外之煩風績素隆柄任伊漸承偃藩之多暇
傳占續之斯來仍願鯁生均紆厚礼崇辭見假本由
巽下之誠高誼所臨永訂要言之好在感惕萃乃
幬襟當寒律之正嚴諒神倪之益泰更勤輔養違對
寵嘉區、之心喋、無喻

回省副

卷四十九

右某言念縈縻廛守隔濶門闌雖傾嚮誼之誠久闕
馳郵之問敢期謙碩遠陞賤封諦味情文交輸幅臆
欣承副計之暇無虧養浩之方恭以某官道本直清
敦恬裕遊辰奮于才美載世踐于顯華使節觀風宣
四方而著效計庭恭畫通九府以收勲諒弗俟于累
朝即別膺于大任矣暉以熾崇館方遙尚冀精調少
副唐禱

上陵使相公

右某伏審某官暫違宮闕祇事寢園營万世固安之
撫慰兩宮哀慕之志恭惟已峻陵域崑止廟堂忘履
跋之為勞固神明之荐祉伏以某官清寧間氣道德
元龜文武憲乎四方謨猶宣乎九德昨者 先皇厭
世 嗣聖承祧綴衣在庭首當顧命之屬同軌至會
射案因山之儀方大號之唯新賴庶綱之有寄熙帝
之載邁虞書股肱之歌王功曰勲紀周人彝鼎之器
永光鴻業允副具瞻

回太原經略相公賀冬

右某啟伏以灰飛氣應歷推天統之元剛長朋未易

著乾陽之始伏惟某官任隆三事望重四朝輟端揆
之祿綸布藩宣之條教簡、降福慶已協于迎長岩
、具瞻民共歌于畫一敢譙期德遠貺華賤仰承眷
與之私采積悚銘之素莫遑面敘愈劇心搖

回賀冬

右某伏以珠躔起曆竹律生音斗指子以平時氣萌
泉而任物恭以某官公忠挺操幹敏馳聲遠遊會于
亨辰將茂迎于蕃祉限拘麾守阻奉賓儀方結慶懷
首蒙華問祇佩春勤之意但深悚企之私

蘇魏公文集卷四十九

